

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՀԱՐԿԱՅԻՆ ԵՎ ՄԱՔՍԱՅԻՆ ՄԱՐՄԻՆՆԵՐԻ ԲՈՂՈՔԱՐԿՄԱՆ
ՀԱՆՁՆԱԺՈՂՈՎ**

ՈՐՈՇՈՒՄ N 32/38

ք.Երևան

28 ապրիլի 2023թ.

Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը (այսուհետ նաև՝ Հանձնաժողով), քննության առնելով ՀՀ ՊԵԿ իրավաբանական վարչության «վարչական տույժ նշանակելու մասին» 06.04.2023թ. թիվ 128 որոշման դեմ «ԷՄ ԸՆԴ ԷՆ ԲՐՈԿԵՐՍ» ՍՊԸ-ի տնօրեն, մաքսային ձևակերպումների մասնագետ Մարտին Ավետիսյանի դիմում-բողոքը՝

ՊԱՐԶԵՑ

1. Բողոքարկման առարկան, դիմում-բողոքով բերված փաստարկները և ներկայացված պահանջները

«ԷՄ ԸՆԴ ԷՆ ԲՐՈԿԵՐՍ» ՍՊԸ-ի տնօրեն Մարտին Ավետիսյանը (այսուհետ նաև՝ բողոքաբեր) հայտնում է, որ «Մաֆ գրուպ» ՍՊ ընկերությունը Բուլղարիայից ՀՀ է ներմուծել բեռ բուրավետ նյութերի խառնուրդներ մսամթերքի արտադրության համար՝ «KRESSONA» ապրանքատեսակները, ինչպես նաև հատիկավոր վարդագույն և կանաչ պղպեղ «KRESSONA», հատիկավոր անուշահոտ և սև պղպեղ «KRESSONA», որը ձևակերպվել է «Ներքին սպառման համար բացթողում» մաքսային ընթացակարգով թիվ 05100010/010420/0018386, 05100010/200520/0026227, 05100010/021020/0062426 և 05100010/190321/0013853 Ա/Հ-երի համաձայն: Ապրանքները բաց է թողնվել «Դեղին ուղի» ընթացակարգով:

ՀՀ ՊԵԿ Հետբացթողումային հսկողության վարչության կողմից իրականացված արտապլանային արտագնա մաքսային ստուգումների /22.12.2022թ.-22.02.2023թ./ արդյունքում կայացվել է 07.02.2023թ. թիվ ԱԴՈ-23- 000010, ԱԴՈ-23-000011, ԱԴՈ-23-000012 ապրանքի ոչ ճիշտ դասակարգում հայտնաբերվելու դեպքում ապրանքի դասակարգման վերաբերյալ որոշումները, կազմվել է 0107-Ա ակտը, որի համաձայն կայացվել է 0107-Ո-1 որոշումը, որից բխելով ՀՀ ՊԵԿ իրավաբանական վարչության կողմից բողոքաբերի նկատմամբ 2023 թվականի ապրիլի 06-ին կայացվել է «Վարչական տույժ նշանակելու մասին» թիվ 128 որոշումը:

«Մաֆ գրուպ» ՍՊ ընկերությունը պարտավորվում է համաձայն 0107-Ա ակտի և 0107-Ո-1 որոշման կատարել ճշգրտում վերը նշված Ա/Հ-երում և արդեն իսկ վճարել է արդյունքում առաջադրված հարկերը՝ մաքսատուրքը և ԱԱՀ-ն:

Հաշվի առնելով այն հանգամանքը, որ ապրանքների հայտարարագրումը կատարվել է արտահանման երկրի հաշիվ ապրանքագրերում նշված ծածկագրերի համաձայն, իսկ մաքսային

մարմնի կողմից փաստաթղթային ստուգման ընթացքում ապրանքի ծածկագրերի հետ կապված ոչ մի առարկություն չի ներկայացվել, ուստի բողոքաբերը խնդրում է առ 06.04.2023թ. թիվ 128 որոշումը վերանայել և ազատել վերը նշված որոշմամբ հաշվարկված 82522 ՀՀ դրամ վարչական տուգանքից:

2. Դիմում-բողոքի քննության համար էական նշանակություն ունեցող փաստերը

ՀՀ ՊԵԿ իրավաբանական վարչության «վարչական տույժ նշանակելու մասին» 06.04.2023թ. թիվ 128 որոշման մեջ մասնավորապես նշված է, որ ՀՀ ՊԵԿ հետքացթողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են արտագնա մաքսային ստուգում «ՄԱՖ ԳՐՈՒՊ» ՍՊ ընկերության նկատմամբ և հայտնաբերել, որ «ՄԱՖ ԳՐՈՒՊ» ՍՊ ընկերության անվամբ թիվ 05100010/010420/0018386, թիվ 05100010/200520/0026227, թիվ 05100010/021020/0062426 և թիվ 05100010/190321/0013853 ապրանքների հայտարարագրերով ՀՀ ներմուծված ԲՈՒՐԱՎԵՏ ՆՅՈՒԹԵՐԻ ԽԱՌՆՈՒՐԴՆԵՐ՝ ՄՍԱՄԹԵՐՔԻ ԱՐՏԱԴՐՈՒԹՅԱՆ ՀԱՄԱՐ «KRESSONA», ինչպես նաև ՀԱՏԻԿԱՎՈՐ ՎԱՐԴԱԳՈՒՅՆ ԵՎ ԿԱՆԱԶ ՊՂՊԵՂ՝ «KRESSONA», ՀԱՏԻԿԱՎՈՐ ԱՆՈՒՇԱՀՈՏ ԵՎ ՍԵՎ ՊՂՊԵՂ՝ «KRESSONA» նկարագրությամբ ապրանքատեսակները հայտարարագրվել է ԵԱՏՄ ԱՏԳ ԱԱ ծածկագրի վերաբերյալ ոչ ճշգրիտ տեղեկություններով:

ՀՀ ՊԵԿ մաքսային հսկողության վարչության 07.02.2023թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-23-000012, թիվ ԱԴՈ-23-000011, թիվ ԱԴՈ-23-000010 որոշումներով հաստատվել է, որ թիվ 05100010/010420/0018386, թիվ 05100010/200520/0026227, թիվ 05100010/021020/0062426 և թիվ 05100010/190321/0013853 ապրանքների հայտարարագրերով հայտարարագրված ԲՈՒՐԱՎԵՏ ՆՅՈՒԹԵՐԻ ԽԱՌՆՈՒՐԴՆԵՐ՝ ՄՍԱՄԹԵՐՔԻ ԱՐՏԱԴՐՈՒԹՅԱՆ ՀԱՄԱՐ «KRESSONA», ինչպես նաև ՀԱՏԻԿԱՎՈՐ ՎԱՐԴԱԳՈՒՅՆ ԵՎ ԿԱՆԱԶ ՊՂՊԵՂ՝ «KRESSONA», ՀԱՏԻԿԱՎՈՐ ԱՆՈՒՇԱՀՈՏ ԵՎ ՍԵՎ ՊՂՊԵՂ՝ «KRESSONA» նկարագրությամբ ապրանքատեսակները ԵԱՏՄ ԱՏԳ ԱԱ 3302 10 900 0 և 0910 99 910 0 ծածկագրերով (մաքսատուրքի դրույքաչափը՝ 0 %, ԱԱՀ՝ 20 %) և (մաքսատուրքի դրույքաչափը՝ 5%, ԱԱՀ՝ 20%) փոխարեն ենթակա են հայտարարագրման համապատասխանաբար ենթակա են հայտարարագրման համապատասխանաբար ԵԱՏՄ ԱՏԳ ԱԱ 2103 90 900 9 ծածկագրով (մաքսատուրքի դրույքաչափը՝ 6%, ԱԱՀ՝ 20%), ԵԱՏՄ ԱՏԳ ԱԱ 0904 11 000 0 ծածկագրով (մաքսատուրքի դրույքաչափը՝ 3 %, ԱԱՀ՝ 20 %) և ԵԱՏՄ ԱՏԳ ԱԱ 0904 21 900 0 ծածկագրով (մաքսատուրքի դրույքաչափը՝ 5 %, ԱԱՀ՝ 20 %):

ՀՀ ՊԵԿ հետքացթողումային հսկողության վարչության կողմից 22.02.2023թ. կազմվել է թիվ 0107-Ա արտագնա մաքսային ստուգման ակտը, որն ուղարկվել է ՀՀ ՊԵԿ իրավաբանական վարչություն:

Նյութերի ուսումնասիրությունից պարզվել է, որ ՀՀ ՊԵԿ Արարատյան մաքսատուն-վարչությունում 01.04.2020թ. թիվ 05100010/010420/0018386, 20.05.2020թ. թիվ 05100010/200520/0026227, 02.10.2020թ. թիվ 05100010/021020/0062426 և 19.03.2021թ. թիվ

05100010/190321/0013853 ապրանքների հայտարարագրերը ներկայացրել է մաքսային ձևակերպումների մասնագետ՝ Մարտին Հակոբի Ավետիսյանը: 2023 թվականի մարտի 7-ին ՀՀ ՊԵԿ Իրավաբանական վարչությունում Մարտին Ավետիսյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է վերջինիս:

Մարտին Ավետիսյանը, որպես մաքսային ձևակերպումների մասնագետ, պարտավոր էր իմանալ, որ բուրավետ նյութերի խառնուրդներ՝ մսամթերքի արտադրության համար «KRESSONA» նկարագրությամբ ապրանքատեսակը իրենից ներկայացնում է ընդգծված համեմունքի բուրմունքով, մանր աղացած, դեղնավուն, համասեռ փոշի, որը՝ կայունացուցիչ E451-ի, դեկստրոզայի, մալտոդեքստրինի, համի ուժեղարար E621-ի, բուրավետիչ նյութերի, հակաօքսիդանտ E316-ի և համեմունքների խտանյութերի խառնուրդ է: Օգտագործվում է երշիկի արտադրության մեջ որպես՝ օրիգինալ համային խառնուրդ և ենթակա է հայտարարագրման ԵԱՏՄ ԱՏԳ ԱԱ 2103 90 900 9 ծածկագրով(Մ/Տ՝ 6 %, ԱԱՀ՝ 20 %), ՀԱՏԻԿԱՎՈՐ ՎԱՐԴԱԳՈՒՅՆ ԵՎ ԿԱՆԱԶ ՊՂՊԵՂ՝ «KRESSONA» նկարագրությամբ ապրանքատեսակը իրենից ներկայացնում է չորացրած, չմանրացրած և չաղացած «Piper» ցեղատեսակի պտուղներ կամ սերմեր, որոնք ստացվում են չհասած պտուղներից՝ բնական չորացումով կամ ծխեցումով, երբեմն եռման ջրով մշակելուց հետո կամ համարյա հասած պտուղներից, որոնցում մրգային միջուկը և սերմերի արտաքին ծածկույթը հեռացվել են թրջելով կամ թեթև խմորման միջոցով: Օգտագործվում է որպես համեմունք սննդի արտադրության մեջ և ենթակա է հայտարարագրման ԵԱՏՄ ԱՏԳ ԱԱ 0904 11 000 0 ծածկագրով(Մ/Տ՝ 3 %, ԱԱՀ՝ 20 %), իսկ ՀԱՏԻԿԱՎՈՐ ԱՆՈՒՇԱՀՈՏ ԵՎ ՍԵՎ ՊՂՊԵՂ՝ «KRESSONA» նկարագրությամբ ապրանքատեսակը իրենից ներկայացնում է չորացրած, չմանրացրած և չաղացած «Pimenta» ցեղատեսակի պտուղներ, որը ներառում է Զամայկայական պղպեղը/մեխակ,պղպեղ,անգլիական պղպեղ և բուրավետ պղպեղ/: Օգտագործվում է որպես համեմունք սննդի արտադրության մեջ և խոհարարության մեջ և ենթակա է հայտարարագրման ԵԱՏՄ ԱՏԳ ԱԱ 0904 21 900 0 ծածկագրով(Մ/Տ՝ 5 %, ԱԱՀ՝ 20 %):

Նյութերի ուսումնասիրման արդյունքում պարզվել է, որ «ՄԱՖ ԳՐՈՒՊ» ՍՊ ընկերության անվամբ թիվ 05100010/010420/0018386 ապրանքների հայտարարագիրը ներկայացվել է 01.04.2020 թվականին, իսկ վարչական իրավախախտման համար պատասխանատվության ենթարկելու օրենքով սահմանված երեք տարի ժամկետը անցել է, ուստի նշված հայրարարագրերի մասով վարչական վարույթ կարող էր սկսվել և ավարտվել մինչև 01.04.2023 թվականը:

Այսպիսով, գործի նյութերով պարզվել է, որ «ՄԱՖ ԳՐՈՒՊ» ՍՊ ընկերության անվամբ թիվ 05100010/200520/0026227, թիվ 05100010/021020/0062426 և թիվ 05100010/190321/0013853 ապրանքների հայտարարագրերով ՀՀ ներմուծված և ԵԱՏՄ ԱՏԳ ԱԱ 0910 99 910 0, ԵԱՏՄ ԱՏԳ ԱԱ 3302 10 900 0 ծածկագրերով հայտարարագրված ԲՈՒՐԱՎԵՏ ՆՅՈՒԹԵՐԻ ԽԱՌՆՈՒՐԴՆԵՐ՝ ՄՍԱՄԹԵՐՔԻ ԱՐՏԱԴՐՈՒԹՅԱՆ ՀԱՄԱՐ «KRESSONA», ինչպես նաև

ՀԱՏԻԿԱՎՈՐ ՎԱՐԴԱԳՈՒՅՆ ԵՎ ԿԱՆԱԶ ՊՂՊԵՂ՝ «KRESSONA», ՀԱՏԻԿԱՎՈՐ ԱՆՈՒՇԱՀՈՏ ԵՎ ՍԵՎ ՊՂՊԵՂ՝ «KRESSONA» նկարագրությամբ ապրանքատեսակները հայտարարագրվել են ոչ ճշգրիտ ԱՏԳ ԱԱ ծածկագրերով մաքսային ձևակերպումների մասնագետ՝ Մարտին Ավետիսյանի մեղքով, ինչի հետևանքով վերոնշյալ հայտարարագրերի մասերով առաջացել են 165 043 ՀՀ դրամի չափով պակաս հաշվարկված մաքսային վճարներ, այսինքն՝ Մարտին Ավետիսյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 07.02.2023թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-23-000012, թիվ ԱԴՈ-23-000011, թիվ ԱԴՈ-23-000010 որոշումներով, ՀՀ ՊԵԿ հետքացթողումային հսկողության վարչության 22.02.2023թ. մաքսային գործի ոլորտում թիվ 0107-Ո-1 որոշմամբ, 22.02.2023թ. կազմված թիվ 0107-Ա արտագնա մաքսային ստուգման ակտով և թիվ 05100010/200520/0026227, թիվ 05100010/021020/0062426 և թիվ 05100010/190321/0013853 ապրանքների հայտարարագրերով:

Որոշում է կայացվել Մարտին Հակոբի Ավետիսյանին ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել պակաս հաշվարկված մաքսային վճարների 50 տոկոսի չափով՝ 82 522 ՀՀ դրամ:

3. Բողոքարկման առարկային վերաբերվող իրավական կարգավորումներ և եզրահանգումներ

ԵԱՏՄ մաքսային օրենսգրքի (այսուհետ՝ Օրենսգիրք) 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ նաև ապրանքների մասին, որոնց մեջ ի թիվս այլոց նշվում է անվանումը, նկարագրությունը, որն անհրաժեշտ է այն մաքսային վճարների, հատուկ, հակազնագցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 20-րդ հոդվածի 1-ին և 4-րդ մասերի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Առևտրային, տրանսպորտային (փոխադրման) և (կամ)

այլ փաստաթղթերում, ինչպես նաև եզրակացություններում, տեղեկանքներում, փորձագիտական հիմնարկների կողմից տրվող փորձաքննության արձանագրություններում նշված ապրանքների ծածկագրերը պարտադիր չեն ապրանքների դասակարգման համար:

ԵԱՏՄ մաքսային օրենսգրքի 2-րդ հոդվածի 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 404-րդ հոդվածի 1-ին մասի համաձայն՝ մաքսային գործառնություններ իրականացնելիս մաքսային ներկայացուցիչն ունի նույն իրավունքները, որոնք ունի այն անձը, որը լիազորում է նրան ներկայացնելու իր շահերը մաքսային մարմինների հետ փոխհարաբերություններում: 405-րդ հոդվածի 1-ին մասի 6-րդ կետի համաձայն՝ մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտարարագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները, իսկ 3-րդ կետի համաձայն հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտարարագրելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

«Մաքսային կարգավորման մասին» ՀՀ օրենքի 30-րդ հոդվածի 2-րդ մասի 3-րդ կետի համաձայն՝ մաքսային ձևակերպումների մասնագետի որակավորման վկայական ստանալու պարտադիր պայմաններից է մաքսային օրենսդրությանը տիրապետելը:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում առաջանում է մաքսային վճարների պակաս հաշվարկում կամ չհաշվարկում, առաջացնում է տուգանք՝ այդ մաքսային վճարների 50 տոկոսի չափով:

Մաքսային ձևակերպումների մասնագետ՝ Մարտին Ավետիսյանը 2023 թվականի ապրիլի 6-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել է, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն չի ներկայացել գործի քննությանը:

ՀՀ ՎԻՎ օրենսգրքի 37-րդ հոդվածի 1-ին մասի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժ կարող է նշանակվել իրավախախտումը հայտնաբերվելու օրվանից երկու ամսվա ընթացքում, սակայն ոչ ուշ, քան իրավախախտում կատարվելու օրվանից 3 տարվա ընթացքում:

Ելնելով վերը նշված իրավանորմերի դրույթներից, հիմք ընդունելով սույն որոշման 2-րդ կետում բերված փաստական տվյալները, ինչպես նաև նախորդիվ արված եզրահանգումները՝ Հանձնաժողովը գտնում է, որ ՀՀ ՊԵԿ իրավաբանական վարչության «վարչական տույժ նշանակելու մասին» 06.04.2023թ. թիվ 128 որոշումը հիմնավոր է և իրավաչափ:

4. Եզրափակիչ մաս

Ելնելով քննության արդյունքներից և ղեկավարվելով Հայաստանի Հանրապետության հարկային օրենսգրքի 20-րդ բաժնով, «Մաքսային ծառայության մասին» Հայաստանի Հանրապետության օրենքի 37-րդ հոդվածով, Հայաստանի Հանրապետության պետական եկամուտների կոմիտեի հարկային և մաքսային մարմինների բողոքարկման հանձնաժողովը

ՈՐՈՇՈՒՄ Է՝

ՀՀ ՊԵԿ իրավաբանական վարչության «վարչական տույժ նշանակելու մասին» 06.04.2023թ. թիվ 128 որոշման դեմ «ԷՄ ԸՆԴ ԷՆ ԲՐՈԿԵՐՍ» ՍՊԸ-ի տնօրեն, մաքսային ձևակերպումների մասնագետ Մարտին Ավետիսյանի դիմում-բողոքը մերժել:

Սույն որոշումն ուժի մեջ է մտնում իրագեկելուն հաջորդող օրվանից:

Սույն որոշմանը չհամաձայնվելու դեպքում այն ուժի մեջ մտնելու օրվանից երկու ամսվա ընթացքում կարող է բողոքարկվել դատարան:

5/4/2023

X 

ԱՐՏՅՈՄ ՍՄԲԱՏՅԱՆ

ՀԱՆՁՆԱԺՈՂՈՎԻ ՆԱԽԱԳԱՀ՝

Signed by: SMBATYAN ARTYOM 3210860416

ԱՐՏՅՈՄ ՍՄԲԱՏՅԱՆ